

ხელშეკრულების პროექტი

ხელშეკრულება სახელმწიფო შესყიდვის შესახებ №

ქ. ბათუმი.

--- ----- 2019 წ.

წინამდებარე დოკუმენტი წარმოადგენს სახელმწიფო შესყიდვების შესახებ ხელშეკრულების პროექტს, რომელიც დაიდება გამარტივებული ელექტრონული ტენდერის ჩატარების შედეგად ტენდერში გამარჯვებულთან. წინამდებარე ხელშეკრულების პროექტის პირობების დაზუსტება განხორციელდება გამარჯვებული პრეტენდენტის წინადადების შესაბამისად, რომელიც ამავედროულად თანდართული ექნება ხელშეკრულებას, როგორც მისი განუყოფელი ნაწილი.

ერთის მხრივ აჭარის ა.რ. მთავრობის საქვეუწყებო დაწესებულება-საავტომობილო გზებისა და სამელიორაციო სისტემების მართვის დეპარტამენტი, შემდგომში „შემსყიდველი“, წარმოდგენილი უფროსის ----- სახით და მეორეს მხრივ (მიმწოდებლის დასახელება), შემდგომში „მიმწოდებელი“, წარმოდგენილი მისი დირექტორის ----- სახით, „სახელმწიფო შესყიდვების შესახებ“ საქართველოს კანონის მე-3 მუხლის I პუნქტის “ჟ” ქვეპუნქტის შესაბამისად დადეს ეს ხელშეკრულება შემდეგნაირად:

1.. ხელშეკრულების საგანი.

1.1. წინამდებარე ხელშეკრულების საგანს წარმოადგენს მიმწოდებლის მიერ შემსყიდველისათვის ინტერნეტ მომსახურება ოპტიკურ -ბოჭკოვანი ტექნოლოგიით (CPV კოდი- 72400000) შემდგომში „მომსახურება“.

შემდეგი პირობებით:

- გლობალური ინტერნეტის გარანტირებული სიჩქარე 40 (ორმოცი) მგბ/წმ;
- ლოკალური ინტერნეტის გარანტირებული სიჩქარე 100 (ასი) მგბ/წმ;
- სიმეტრიული არხი (Upload=Download);
- კონკურენტული წვდომა 1:1 (Contention Ratio 1:1);
- საიმედოობის დონე - უმაღლესი;
- შეერთების კოეფიციენტი 99.5%;
- დაზღვევა 100%; ძირითადი არხის გათიშვის შემთხვევაში „მიმწოდებელმა“ უზრუნველყოს „შემსყიდველის“ გადართვა ალტერნატიული მიმწოდებლის ხაზზე მაღალსიჩქარიანი DSL-ით;
- ტექნიკური მხარდაჭერა კვირაში 7 დღე 24 საათი;
- ინტერნეტით მომსახურება 24 საათიან გრაფიკში, არასამუშაო და სადღესასწაულო დღეების ჩათვლით;
- ყოველთვიური არასამუშაო დრო (Downtime) არაუმეტეს 3 საათისა.

1.2. ინტერნეტის მოწოდებისათვის საჭირო ტექნიკურ მოწყობილობებსა და მასალებს უზრუნველყოფს მიმწოდებელი.

2. მხარეთა ვალდებულებები

2.1. მიმწოდებელი ვალდებულია:

ა) შემსყიდველს მომსახურება მიაწოდოს ამ ხელშეკრულებით გათვალისწინებულ პირობებში, 2019 წლის განმავლობაში, 2019 წლის 31 დეკემბრის ჩათვლით.

ბ) საკუთარი ხარჯებით უზრუნველყოს შემოწმების შედეგად გამოვლენილი ყველა დეფექტის ან ნაკლის აღმოფხვრა;

გ) გაუწიოს უფასო სატელეფონო კონსულტაცია მომსახურების თაობაზე მიმწოდებლის ცხელი ხაზის უფასო სატელეფონო ნომრების მეშვეობით.

დ) უფლებამოსილია გაფრთხილების გარეშე დაუწესოს შემსყიდველს შეზღუდვა მონაცემთა მიღების სიჩქარეზე, თუ შემსყიდველის მიერ მოხმარებული ტრაფიკის მოცულობა საზიანოა სხვა აბონენტებისათვის და აუარესებს ინტერნეტის ხარისხს.

2.2. შემსყიდველი ვალდებულია:

ა) შეუფერხებლად აუნაზღაუროს მიმწოდებელს გაწეული მომსახურების ღირებულება ამ ხელშეკრულებით დადგენილი წესით და პირობებით;

ბ) დროულად შეატყობინოს მიმწოდებელს მომსახურების ხარვეზების შესახებ;

გ) არ გადასცეს მომსახურება მესამე პირს.

3. ღირებულება და ანგარიშსწორების პირობები

3.1. ხელშეკრულების ჯამური ღირებულება შეადგენს ----- (სიტყვიერად) ლარს.

3.2. შემსყიდველი მიმწოდებლისათვის მომსახურების ღირებულების ანგარიშსწორებას ახორციელებს ამ ხელშეკრულებით გათვალისწინებულ რეკვიზიტებზე, უნაღდო ანგარიშსწორების ფორმით, შესაბამისი საგადასახადო ანგარიშფაქტურის წარმოდგენიდან და მიღება-ჩაბარების აქტის გაფორმებიდან 10 სამუშაო დღის ვადაში.

3.3. ანგარიშსწორება მიმწოდებელთან განხორციელდება ლარებში.

3.4. თუ შემსყიდველის მიერ ხელშეკრულებით განსაზღვრული მისაწოდებელი მომსახურების მოცულობების ღირებულებამ არ შეადგინა აღნიშნული ხელშეკრულებით გათვალისწინებული თანხა, ასეთ შემთხვევაში შემსყიდველი გადაუხდის მიმწოდებელს ფაქტიურად მიწოდებული მომსახურების მოცულობების ღირებულებას. მიმწოდებელს არ უნდა გააჩნდეს პრეტენზია მიუწოდებელი მომსახურების მოცულობების ანაზღაურებაზე.

4. ტექნიკური საშუალებების გადაცემა, მონტაჟი, ინსტრუქტაჟი, მიღება-ჩაბარება

4.1. ხელშეკრულებით გათვალისწინებული ვალდებულებების შესრულების მიზნებისათვის შემსყიდველს დროებით სარგებლობაში აქვს ტექნიკური მოწყობილობები.

4.2. ტექნიკური საშუალებების შემსყიდველისათვის გადაცემა დამოწმებულია შესაბამისი მიღება-ჩაბარების აქტით მხარეთა ხელმოწერებით, შემსყიდველის მხრიდან მიღება ჩაბარების აქტებზე ხელმოწერას ახორციელებს დეპარტამენტის ადმინისტრაციული სამსახური, მიღება-ჩაბარების აქტში აღნიშნულია ტექნიკური საშუალებების დასახელება და სხვა მახასიათებლები, ტექნიკური მოწყობილობის

შემსყიდველისათვის გადაცემისას მას ჩაუტარდა ტექნიკური საშუალებების ექსპლუატაციის ინსტრუქტაჟი. მიღება –ჩაბარების აქტზე შემსყიდველის ხელმოწერა ადასტურებს, რომ:

- შემსყიდველს გადაეცა ტექნიკური მოწყობილობა ნივთობრივად და უნაკლო მდგომარეობაში;
- შემსყიდველთან უნაკლოდ და სრულად დამონტაჟდა ტექნიკური მოწყობილობები;
- დაიწყო მომსახურება;
- შემსყიდველს ჩაუტარდა ტექნიკური მოწყობილობის ექსპლუატაციის ინსტრუქტაჟი.

4.3. ტექნიკური მოწყობილობა წარმოადგენს მიმწოდებლის საკუთრებას, ხელშეკრულების მოქმედების განმავლობაში შემსყიდველი პასუხისმგებელია ტექნიკური საშუალებების დაზიანებაზე, დაკარგვასა და განადგურებაზე. ტექნიკური საშუალებების დაზიანების, დაკარგვის ან განადგურების შემთხვევაში შემსყიდველი მიმწოდებელს წერილობითი მოთხოვნიდან არაუგვიანეს 10 სამუშაო დღისა ვალდებულია გადაუხადოს მიმწოდებელს მისი ღირებულება. ტექნიკური საშუალების ექსპლუატაციით გამოწვეული ცვეთა მხედველობაში არ მიიღება.

5. ხელშეკრულებაში ცვლილებების შეტანა

5.1. არავითარი გადახრა ან ცვლილება ხელშეკრულების პირობებში არ დაიშვება ორივე მხრის მიერ ხელმოწერილი წერილობითი შესწორებების გარდა.

5.2. თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

5.3. ნებისმიერი ცვლილება, რომელსაც მოჰყვება ხელშეკრულების ფასის გაზრდა ან შემსყიდველისათვის პირობების გაუარესება, დაუშვებელია გარდა საქართველოს სამოქალაქო კოდექსის 398 მუხლით გათვალისწინებული შემთხვევებისა.

5.4. ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.

6. მხარეთა პასუხისმგებლობა

6.1. ხელშეკრულების პირობების შეუსრულებლობის ან არაჯეროვნად შესრულებისათვის მიმწოდებელს პირგასამტეხლოს სახით ერთჯერადად დაეკისრება ხელშეკრულების ღირებულების 1%-ის ოდენობით. მიმწოდებელი ვალდებულია შემსყიდველის მოთხოვნისთანავე გადაუხადოს პირგასამტეხლო არაუგვიანეს 10 კალენდარული დღის განმავლობაში.

6.2 ხელშეკრულების შეწყვეტის შემთხვევაში (მიმწოდებლის მიზეზით), მიმწოდებელს პირგასამტეხლოს სახით დაეკისრება ხელშეკრულების ღირებულების 5%-ის ოდენობით. მიმწოდებელი ვალდებულია შემსყიდველის მოთხოვნისთანავე გადაუხადოს პირგასამტეხლო არაუგვიანეს 10 კალენდარული დღის განმავლობაში.

6.3. წინამდებარე ხელშეკრულებით ნაკისრი ვალდებულებების შესრულების ვადების გადაცილების შემთხვევაში ვადის გადამცილებელი მხარე ვალდებულია ყოველი ვადაგადაცილებული დღისათვის მეორე მხარეს პირგასამტეხლოს სახით აუნაზღაუროს ხელშეკრულების ჯამური ღირებულების 0.02 %.

6.4 იმ შემთხვევაში, თუ ხელშეკრულების პირობების დადგენის გამო დაკისრებული პირგასამტეხლოს ჯამური თანხა გადააჭარბებს ხელშეკრულების საერთო ღირებულების 0,2 პროცენტს, მეორე მხარეს უფლება აქვს ცალმხრივად შეწყვიტოს ხელშეკრულება.

6.5. მიმწოდებელი არ არის პასუხისმგებელი შემსყიდველის მიერ ინტერნეტის ქსელში გადაცემული მონაცემების და/ან ინფორმაციის შინაარსზე, ასევე ხელშეკრულებით ნაკისრი ვალდებულებების შეუსრულებლობაზე და ან არაჯეროვან შესრულებაზე, თუ ეს შეუსრულებლობა ან არაჯეროვანი შესრულება გამოწვეულია შემსყიდველის მიერ ტექნიკური საშუალებების არასათანადო გამოყენებით, დაზიანებით, განადგურებით ან დაკარგვით.

6.6 მიმწოდებელი პასუხისმგებელია შემსყიდველისათვის გადაცემული მოწყობილობების გამართულ ტექნიკურ მდგომარეობაზე. იმ შემთხვევაში, თუ გადაცემულ მოწყობილობას აღმოაჩნდება ისეთი ტექნიკური წუნი და დეფექტი, რაც ხელს უშლის მოწყობილობის გამართულ ფუნქციონირებას, შემსყიდველი ვალდებულია ასეთის აღმოჩენიდან 2 სამუშაო დღის ვადაში შეატყობინოს მიმწოდებელს. საინსტალაციო სამსახურის მიერ ქარხნული წუნის დადასტურების შემთხვევაში მიმწოდებელი მოახდენს მოწყობილობის შეცვლას.

7. ხელშეკრულების შეწყვეტა მისი პირობების შეუსრულებლობის გამო

7.1. შემსყიდველს შეუძლია მთლიანად ან ნაწილობრივ შეწყვიტოს ხელშეკრულება, მიმწოდებლისათვის ვალდებულებების შეუსრულებლობის წერილობითი შეტყობინების შემდეგ,

- ა) თუ მიმწოდებელს ხელშეკრულებით გათვალისწინებულ ან შემსყიდველის მიერ გაგრძელებულ ვადებში არ შეუძლია მიაწოდოს მთელი მომსახურება ან მისი ნაწილი;
- ბ) თუ მიმწოდებელს არ შეუძლია შეასრულოს ხელშეკრულებით გათვალისწინებული რომელიმე ვალდებულება.

7.2. ხელშეკრულების ცალკეული პირობების მოქმედების შეწყვეტა არ ათავისუფლებს მიმწოდებელს დანარჩენი ვალდებულებების შესრულებისაგან.

7.3. შემსყიდველს შეუძლია მიიღოს გადაწყვეტილება ხელშეკრულების შეწყვეტის შესახებ აგრეთვე:

- ა) თუ შემსყიდველისათვის ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;
- ბ) მიმწოდებლის გაკოტრების შემთხვევაში;
- გ) საქართველოს კანონმდებლობით გათვალისწინებულ სხვა შემთხვევაში.

7.4. ამ მუხლის მე-3 პუნქტში მითითებულ შემთხვევებში შემსყიდველი ვალდებულია აუნაზღაუროს მიმწოდებელს ფაქტიურად მიღებული მომსახურების ღირებულება.

8. ხელშეკრულების შესრულების კონტროლი

8.1. შემსყიდველს უფლება აქვს ხელშეკრულების შესრულების ნებისმიერ ეტაპზე განახორციელოს ხელშეკრულების შესრულებაზე კონტროლი და ასევე მომსახურების ხარისხზე პერიოდული ინსპექტირება კანონმდებლობის შესაბამისად.

8.2. მიმწოდებელი ვალდებულია საკუთარი ხარჯებით უზრუნველყოს კონტროლის შედეგად გამოვლენილი ყველა დეფექტის ან ნაკლის აღმოფხვრა.

8.3. საერთო კონტროლი ხელშეკრულების პირობების შესრულებაზე დაევალოს დეპარტამენტის ადმინისტრაციულ სამსახურს და დეპარტამენტის უფროსის დარგის კურატორ მოადგილეს.

9. ფორს-მაჟორი

9.1. ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას, თუ ხელშეკრულების შესრულების შეფერხება ან მისი ვალდებულებების შეუსრულებლობა არის ფორს-მაჟორული გარემოების შედეგი.

9.2. ამ მუხლის მიზნებისათვის “ფორს-მაჟორი” ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და ან მიმწოდებლის შეცდომებსა და დაუდევრობასთან.

9.3 ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყონებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხრისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობის და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებიან ფორს-მაჟორული გარემოებების ზეგავლენისაგან.

10. სხვა პირობები

10.1. მიმწოდებელმა შემსყიდველის წინასწარი წერილობითი თანხმობის გარეშე, არც მთლიანად და არც ნაწილობრივ არ უნდა გადასცეს მესამე პირს მოცემული ხელშეკრულებით არსებული თავისი ვალდებულებები.

10.2. ნებისმიერი შეტყობინება, რომელსაც ერთი მხარე, ხელშეკრულების შესაბამისად, უგზავნის მეორე მხარეს, გაიგზავნება ელფოსტის, დეპეშის, ტელექსის ან ფაქსის სახით, ორიგინალის შემდგომი წარმოდგენით, ხელშეკრულებაში მითითებული მეორე მხარის მისამართზე.

10.3. შეტყობინება შედის ძალაში ადრესატის მიერ მისი მიღების დღეს ან შეტყობინების ძალაში შესვლის დადგენილ დღეს, იმის მიხედვით, თუ ამ თარიღებიდან რომელი უფრო გვიან დგება.

10.4. მიმწოდებელი პასუხს აგებს საქართველოს კანონმდებლობით დადგენილ გადასახადების, მოსაკრებლების და სხვა გადასახადების გადახდაზე.

10.5. შემსყიდველმა და მიმწოდებელმა ყველა ღონე უნდა იხმაროს, რათა პირდაპირი არაოფიციალური მოლაპარაკებების პროცესში შეთანხმებით მოაგვარონ ყველა უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული სხვა კომპონენტის ირგვლივ.

10.6. თუ ასეთი მოლაპარაკების დაწყებიდან გონივრულ ვადაში შემსყიდველი და მიმწოდებელი ვერ შეძლებენ სადაო საკითხის შეთანხმებით მოგვარებას, ნებისმიერ მხარეს დავის გადაწყვეტის მიზნით შეუძლია დადგენილი წესის და მიხედვით მიმართოს საქართველოს სასამართლოს.

10.7. ხელშეკრულება შესრულებულია და ხელმოწერილია თანაბარი იურიდიული ძალის მქონე სამ ეგზემპლარად, აქედან ორი ეგზემპლარი ინახება შემსყიდველთან, ხოლო მესამე ეგზემპლარი მიმწოდებელთან.

10.8. მისამართის ან მომსახურე ბანკის რეკვიზიტების შეცვლის შემთხვევაში მხარეები ვალდებული არიან 10 დღის განმავლობაში აცნობონ ერთმანეთს ამის შესახებ.

11. ხელშეკრულების მოქმედების ვადა

11.1. მომსახურების გაწევის ვადა განისაზღვროს 2019 წლის განმავლობაში, 2019 წლის 31 დეკემბრის ჩათვლით.

11.2. ხელშეკრულების მოქმედების ვადა განისაზღვროს 2020 წლის 01 თებერვლამდე.

მუხლი 12. მხარეთა იურიდიული მისამართები და რეკვიზიტები

“შემსყიდველი“

„მიმწოდებელი“

